



Inatsisartunut ilaasortaq Nivi Olsen
Demokraatit
inatsisartut@inatsisartut.gl

Air Greenlandimi taamaatitsisarnernut tunuliaqutaasut pillugit § 37 naapertorlugu apeqquteqaammut 2021-182-imut akissut

21-12-2022

Suliap nr.: 2022 - 19578

ID. nr. 80715869

Asasara Nivi Olsen

Inatsisartut suleriaasianni § 37 naapertorlugu Air Greenlandimi taamaatitsisarnernut tunuliaqutaasut pillugit arlalissuarnik Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

Akissuteqaat:

Air Greenlandimi taamaatitsisarnernut tunuliaqutaasut pillugit apeqquteqaatit attuumassutilerujussuit soqutiginaateqarluartullu misissorpakka. Misissuinerli taanna tunngavigalugu naliliivunga, apeqqutivit akinissaannut paasissutissanik pissarsiniarnermut isumalluutit piffissarlu annertuut atorfissaqartussaasut, paasissutissat Naalakkersuisunit pigineqanngimmata.

Taamaattumik siuliani allassimasut tunngavigalugit apeqqutitit Air Greenlandimut saaffignissutigissagitit innersuukkusuppakkit.

Aammalu tamatumunnga Inatsisartut Suleriaasianni § 37, imm. 2 tunngavigineqarpoq, tassanilu allassimavoq, *"malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata"*, Naalakkersuisut akissuteqarnissamut pisussaaitaanngitsut.

Ilisimatitsissutigissavarali, Naalakkersuisunit Air Greenlandip taamaatitsisarnernut atatillugu tusagassiorfinnut nalunaarutaasa malinnaaffiginissaat eqqumaffisorujussuugakku. Teknikki silalu peqqutigalugit taamaatitsisoqaraangat angalasunut isumaqartorujussuusarpoq. Maluginiarparalu Air Greenlandip inuit attaveqaqatigiittarfiisigut ilisimatitsisarnertik annertusarsimagaa.

Teknikki imaluunniit silarlunnera peqqutigalugu piffissamik eqquisoqarsinnaatinnagu ilaasunik angallassisarnermi, timmisartuutit pisinnaasaannik ajornartorsiupeqarnerit pillugit toqqaannartumik ilisimatinneqartarnissaq pillugu Naalakkersuisuniit Air Greenland akuttunngitsumik attaveqarfigineqartarpoq.

Air Greenlandimiit ilisimatitsissutigineqarpoq, ukioq manna piffissamik eqquisinnaannginnermut aningaasarpasuit atorneqarsimasut, aammalu ingerlatseqatigiiffimmit piffissamik eqquisinnaannginnerit annikillinissaat soqutigineqartorujussuusooq, kinguaattoornernut atatillugu aningaasartuutunik akiliiniartarneq akisoorujussuummat.

Naalakkersuisut ilisimatinneqarput, timmisartut amerlineqarnissaat ajornakusoortorujussuusoq, nunarsuaq tamakkerlugu pisinnaasanik atorneqanngitsunik peqarpiangimmat. Timmisartut ilassutissaannik pisinissaq attartornissarluunniit kissaatigineqaraluartoq, tamanna maanna niuerfiusumi ajornarluinnangajappoq. Air Greenland piffissami sivisunerusumi pisinnaasamik annertusititsiniarsimagaluarpoq, tamannali ajornakusoorpoq.

Naalakkersuisuniit nassuerutigineqarpoq, kinguaattoornerit taamaatitsinerillu pillugit paasissutissat tamarmiusut piginissaat naapertuuttussaasoq, taamaattumillu Air Greenlandimut kaammattuiniarpoq, paasissutissat attuumassutillit tamaasa nittartakkatigut saqqummiuttaqqullugit, soorlu ukiumoortumik ukiullu affaanoortumik nalunaarusiortarnerminnut ilagitillugu.

Inussiarnersumik inuulluaqqusillunga

A handwritten signature in black ink, appearing to read 'Erik Jensen'. The signature is fluid and cursive, with the first name 'Erik' and the last name 'Jensen' clearly distinguishable.

Erik Jensen